

BESTELAKO XEDAPENAK

LAN ETA ENPLEGU SAILA

1921

EBAZPENA, 2022ko apirilaren 22koa, Lanbide-Euskal Enplegu Zerbitzuko zuzendari nagusiarena, zeinaren bidez argitara ematen baita lanik gabe dauden emakumeak maskulinizatutako lanbideetan prestatzeko eta kontratatzeko proiektuetarako 2021eko ekitaldiko dirulaguntza-deialdiko erakunde onuradunen zerrenda, Euskal Autonomia Erkidegoan Enplegurako Lanbide Heziketa arautzen duen maiatzaren 31ko 82/2016 Dekretuaren esparruan.

Dirulaguntza publikoak ematerakoan, publikotasun-printzipioa bete beharra dago. Hori dela eta, lanik gabe dauden emakumeak maskulinizatutako lanbideetan prestatzeko eta kontratatzeko proiektuetarako 2021eko ekitaldirako dirulaguntza-deialdiaren 7.5 artikuluan ezartzen duenez (Lanbideren Administrazio Kontseiluak 2021eko maiatzaren 25eko bileran hartutako erabakiaren bidez onartu zen deialdi hori), Euskal Autonomia Erkidegoan Enplegurako Lanbide Heziketa arautzen duen maiatzaren 31ko 82/2016 Dekretuaren esparruan, Lanbide-Euskal Enplegu Zerbitzuko zuzendari nagusiaren ebazpen baten bidez, Euskal Herriko Agintaritzaren Aldizkarian argitara emango da deialdi horren babesean onuradun suertatu diren erakundeen zerrenda, jasotako zenbatekoak adierazita

Hori dela-eta, honako hau

EBAZTEN DUT:

Lehenengoa.— Euskal Herriko Agintaritzaren Aldizkarian argitaratzea lanik gabe dauden emakumeak maskulinizatutako lanbideetan prestatzeko eta kontratatzeko proiektuetarako 2021. urtean emandako dirulaguntzen erakunde onuradunen zerrenda. Ebazpen honen eranskinean dagoen zerrenda horretan, espediente-zenbakia, erakunde onuradunaren izena eta emandako dirulaguntzaren zenbatekoa adieraziko dira.

Bigarrena.— Berariaz jasotzea Lanbide-Euskal Enplegu Zerbitzuaren eta Europako Gizarte Funtsaren kofinantzaketa izan dela, programa hauen esparruan:

a) GFE Euskadi 2014-2020 Programa Operatiboa, REACT-UE ardatzaren barruan, Europar Batasunak COVID-19ari ematen dion erantzunaren baitan, edo 2021-2027 aldian.

b) Gazte Enplegurako Programa Operatiboa 2014-2020.

Vitoria-Gasteiz, 2022ko apirilaren 22a.

Lanbide-Euskal Enplegu Zerbitzuko zuzendari nagusia,
MARÍA GLORIA MÚGICA CONDE.

ERANSKINA

Espediente-zenbakia	Erakunde eskatzailea	Dirulaguntza (eurotan)
MJ21010001	Escuela Alavesa de Soldadores S.L.L.	47.600,00
MJ21200001	Cei Formación y Asesoramiento Empresarial S.L.U.	25.396,50
MJ21200004	Erroak Gizarteratzeko Elkartea	38.800,00
MJ21480004	Casa Maristas San Miguel Arcángel	49.997,60
MJ21480007	Nuevas Técnicas Profesionales S.L.	49.642,60